Di mele è di sale

Sò e muse disposte
À impristà mi rime
È scrive e to loche è amintà à tè
E to superbe coste
L'altu di e to cime
È tante e canzone chì ribombanu in mè

Canzone di statina
Ligere è savurite
Cum'è un fiume mossu à surgente piacè
Canzone maltasgina
Di sponde infreddulite
È tant'altre stagione à invintà per tè

Stagione à l'appollu
D'un eternu rinnovu
Di culori è profumi chì a natura sà
Dumani à l'affollu
D'ogni sbilanciu novu
Per esse sale o mele di u mondu da fà

U sale di 'ssu mare Prigiuneru o prigione Nidicale o cabbia d'un avvene à tesse U mele chì mi pare Esse in ogni ragione D'ùn dupità mai più di tutte e to prumesse

Prumesse di canzone È di muse disposte Per cantà e to loche è amintà à tè Vede à ogni stagione E to superbe coste Dà si à 'sse puesie chì dormenu in mè

Parolle: Jean Yves Acquaviva

Musica: Toussaint Montera